

La Pimpa par furlan ae mostre che e fâs fieste pai 50 agns de cjiçute a balins

Grant sucès pal laboratori speciâl inmaneât de ARLeF pai fruts dai 3 ai 6 agns.

Tra lis tantis lenghis dal mont che la innomenade cjiçute a balins di Altan e fevele al è ancje il furlan. "La Pimpa par furlan" duncje no podeve mancjâ te mostre "Bon complean Pimpa" inmaneade dal Comun di Udin e ospitade te ex glesie di Sant Francesc.

Une presince volude de ARLeF - Agenzie regionâl pe lenghe furlane, par evidenziâ il contribût dal furlan ae storie editoriâl e culturâl de cjiçute a balins. La Pimpa, di fats une icone de leterature pe infanzie, e fevele in marilenghe intune golaine di cuatri libruits ilustrâts, dissegnâts di Altan e publicâts de ARLeF. I volums, intitulâts "Pimpa e lis robis", "Pimpa e i colôrs", "Pimpa e i numars" e "Pimpa e je in vore" a son pensâts pe prime alfabetizazion; a fasin jentrâ i plui piçui tal mont de cjiçute a balins midiant dai ogjets che si doprin ogni dì, dai colôrs, dai numars e de funzion des robis. La Pimpa par furlan e je rivade ancje in television graciis ae RAI F-VJ, che e à produsût e trasmetût la version par furlan di tredis episodis, che a son ancje stâts metûts adun tal dvd "Pimpa par furlan" in gracie de colaborazion cu la ARLeF e la Regjon F-VJ.

In ocasion de mostre, un viaç tal mont plen di colôrs di Pimpa, si è davuelt ancje un laboratori interatîf pai plui

Scuvierç la lenghe furlane te mostre pai 50 agns de

PIMPA®

Udin, ex glesie di S. Francesc



La mostre "Bon complean Pimpa".

piçui, par cure de ARLeF in colaborazion cul Comun di Udin, intitulât "ARLeF e Maman a presentin la Pimpa par furlan. Zûcs, animazion e leturis in compagnie de simpatiche cjiçute blancje a balins ros". I fruts dai 3 ai 6 agns a àn podût vivi tantis aventuras, scoltâ la leture animade di "Pimpa e lis robis" e zuiâ ducj insiemi cul memory creât di pueste cun ogjets de sô cjasute plene di colôrs; al è stât mostrât ancje un carton animât de Pimpa te version in lenghe furlane. Ae fin, ducj i participants a àn ricevût in regâl un librut de Pimpa par furlan, publicât de ARLeF. Il laboratori


al è stât une grande fieste che e à cjàpât dentri lis frutis e i fruts cun spontaneitât e ligrie, une esperience che ur è plasude une vore e che e je stade cetant preseade ancje dai lôr gjenitôrs.

Su www.arlef.it il significât di ducj i cognons furlans

E je une vere enciclopedia dai cognons dal Friûl cun nons, riferiments storics, sclariments etimologjics, studis gjeografics e altris informazions e curiositâts.

O stin fevelant dal Dizionari dai Cognons - la version digjitâl de publicazion "I cognomi del Friuli" di E. Costantini e G. Fantini publicade di La Bassa/LithoStampa - che si pues consultâ sul sît www.arlef.it in graciis dal gnûf SuperDizionari de lenghe furlane. Midiant di une interface uniche e intuitive, il SuperDizionari al ufris i contignûts e i risultâts di altris dôs risorsis digjitâls preziosis dedicadis al furlan: il Grant Dizionari Bilengâl Talian - Furlan e il Dizionari de Lenghe Furlane.

La gnove plateforme digjitâl realizade de ARLeF - Agenzie regionâl pe lenghe furlane - e je un imprest gratuit, avanzât e acessibil, pensât par valorizâ e slargjâ l'ûs dal furlan. Un progjet in atuazion dal Plan gjenerâl di politiche linguistiche pal furlan de Regjon Autonome F-VJ.



Un dai cuatri libruits ilustrâts publicâts de ARLeF.